

Wer aber weitem Bericht begehret von der Perspectiua, der lese gemeldten Vitellionem, Iohannem Pisanum, Rogerium Baconem, Alhazen, Pomponium Gauricum, vnd andere mehr / welche weitläufftiger darvon schreiben: Vnd halte ich es darfür / ich habe hiemit zu einem gemeinen Discurs genug gethan. Weiß auch nichts sonderlich darwider zusagen / dann daß allerhand Gauckeleien damit verrichtet wirdt.

ANNOTATIO.

Die Perspectiven belangend / mag man suchen im fünfften Buch Iohannis Thomæ Phrygii, welcher allda auch ziemlich darvon handelt / deßgleichen bey dem Proclo Platonico, vber lib. 1. Euclidis: Item das Seminarium Philosophiæ Bernhardi, in dem Wort Perspectiua.

temal alle seine Gliedmassen so vielerley Gebrechen vnd Schwachheiten sind vnderworffen. Zum dritten zenget sie auch / welcher massen der Leib in seiner gebührlichkeit Disposition zuhalten / daß kein Glied zu viel vnd vber sein Vermögen beschwert werde. Zum vierdten / lernet man auch darbey / wie man mit Verstande einem jeden Glied solt zu hülffe kommen / wann man weiß die Orter / da sich vnder verschiedene Kranckheiten hinfesen / vnd sich am meisten vben / beneben den Medicamenten / so einem jeden Orth zu applicieren sind. Vnd welcher der Anatomie vnerfahren ist / vnd sich gleichwol / entweder der Medicin oder der Chirurgy will annehmen / der kan eben so bald Schaden / als Nutzen thun: Als zum Exempel / im schneiden / einen Neruum für eine Venam, oder Ader nehmen / vnd manchen groben schädlichen / ja tödtlichen Fehler begehen. Vnd gehet einem solchen / wie einem vnerfahrenen Koch vnd Holzhawer / welcher / wie Galenus libro secundo Therapeutices sagt / das Fleisch nicht nach Gebühr weiß zuschneiden / sondern zerhawet oder zerreißt es / oder wie ein toller vnd vnermüßiger Mensch / wie Henricus Hermonius de Villa, libro primo Chirurgiæ sagt / mit blinden Schlägen auff ein zehes Holzhawet: Also fehlet es auch nicht / es muß ein Medicus vnd Chirurgus, welcher der Anatomie vnerfahren / vnd wie ein blinder / manchen gefährlichen / vnd viel mehr schädlichen / als nützlichen Streich thun.

Damit ich aber auch von den Anatomicis, wie bißhero von andern Professionibus geschehen / discurre / vnd diese Kunst / wo nicht gänzlich / doch nur zum theil / etwas bekandt mache / will ich von der Definition anfangen / vnd sage / daß ich allhie Anatomiam nichts anders heisse / als eine or-

Er ij dent

Sechs vnd dreyßigster Discurs.

Von den Anatomisten.

Die Anatomia, welche eine nicht allein nützliche / sondern auch nothwendige Wissenschaft / beydes den Physicis oder Medicis, vñ den Chirurgis od Wundärzten ist / wird von Galeno libro nono, de vsu Partium, vmb vier Ursachen willen zum höchsten gerühmet. Erstlich / dieweil sie beydes durch die Gestalt vnd durch die Vielsältigkeit der Menschlichen Glieder / die Allmacht vnd Weißheit des Schöpfers anzenget vnd zuerkennen gibt. Zum andern / zenget sie dem Menschen auch seine Sterblichkeit vnd Nichtigkeit / in dem er dardurch gleichsam erinnert / wie elendig er sey / vnd wie bald es vmb ihn könne geschehen seyn / sin-